

ՕՐ ՄԵՌԵԼՈՑ

Լրեք ըզգանգին զանխուլ հրնյմանցրս կրկնաձայն
 Ըղտրխուր մեր յարկօք . բիւր զանգակաց միատարազ
 Գանչ ընդ այերս՝ որ ըզգըխովքս զօղանջեն ողորմագոչ
 Առնեն ազգ մահկանացուաց , առ կոչեցեալսն յիւրեանց վախճան ,
 Աղբրսել հանգուցելոց անդորրաւէտ դատավրճիռ ,
 Համարել ըզկեանս արգոյ՝ զպէսպէս աղունցն հանդիսարան ,
 Ոչ իւրք ինչ ըսպառել փոխանակաւ ատելութեանց
 Չափելոցն բոպէից ըզնըրբաթելն անկուած հիւսկէն
 Զոր համարեալն է բընութիւն մահկանացուաց սակըս վաղանց :
 Զի՛նչ արգելանքն են բացեալք . քանի անձուկ այս հանդրըւանք
 Ի մէջ որմոցս այսոցիկ փակեն զաճիւնս ազգատոհմից .
 Յայս 'ի տեղիս մոռացութեան , գերեզմանացս այս 'ի ներքոյ
 Ժամանակ և Որհաս խաչաձևեն ըզգեբանդիւն :
 Ո՛րչափ մեռեալք շեղձաշեղձք և ընդ երկրաւ պարապընդին .
 Զիք ինչ աստ թիւ համարոյ , աստ հոյք հուլից են առանձնակք :
 Ո՛ւմ մարթ իցէ անսարսուռ դիտել ըզխաւս ոսկորոտեաց ,
 Ըղմարդոյն բովանդակ զայն նըշխարանս հոգմոյն աւանդ :
 Ո՛հ , ամենից դատակընքոյն մահաշըշուկն տեսարան ,
 Զոր յանդիման առնէ տեղիս թէ զմեզ քրսմնէ մածեալ 'ի պաղ ,
 Սըրտակէզ կորրստեան անագորոյն ևս յիշատակ
 Զարթուցէ աղէխարչանս և զմեզ 'ի ցաւըս լըցուցէ :
 Ամուսինն ծընրադիր ըզպաշտելին իւր արտասուէ .
 Քոյր 'ի վերայ սիրային եղբօրն յարտօսըր լուծանի .
 Մայր զորդեակ մի աշխարհ՝ վաղաթարչամ յիւրն 'ի գարուն ,
 Եւ յոր յենոյր ակընկալիք ալէզարդիկն իւր հասակի :
 Արտասուք ձեր հոսեալք՝ են սիրատենչ դեռ վաւրն ձեր .
 Շըքադիր են մարդկութեան հառաչանաց ձեր հեծութիւնք ,
 Այլ զոր լայքդ և արտասուէք՝ ըզգատակնիք իւրեանց լըցին .
 Վըճիռ նոցա էր մեռանել , առ որ չեն կեանք բայց հանդերձանք :
 Զի՛նչ են ազգք ազգք սերընդոց . ըստուեր ըզհետ ըստուերի :
 Պահ մի կեամք 'ի վերայ անթիւ դարուց ժամանակաց .
 Յիշատակք մեր թախծադինք անցանեն մեզք 'ի միասին :
 Կեանք իմն այլ , ո՛վ ժամանակ , 'ի հարուածոց քոց փըրծանի :
 Մահացուդ , մինչև յերկինս 'ի վեր ամբարձ գաղօթըս քո ,
 Աղաչեա զԱմենակալն , ոչ զի արկեալն հող 'ի վերայ
 Մեռելոցս այսոցիկ լիցի թեթիւ իւրեանցն ոսկորոց ,
 Ոչ անդանօր թէ մարդոյ կարևոր պէտք են հանգըստեան .
 Եւ հոգին՝ որ ելիք ըզկաւեղէն մարմնոյն զանգուած՝
 Ինքնին 'ի ծոցն իսկ Աստուծոյ խընդրէ իւր տուն յաւերժական :